

Inatsisartut Ombudsmandiat

Ombudsmandimut naammagittaalliuuteqarnissamut ilitsersuut uani nassaariuk


www.ombudsmand.gl

QAQUGUKKUT NAAMMAGITTAALLIORSINNAAVUNGA?

Ombudsmandimut naammagittaalliuuteqarnissamut piffissarititaq tassaavoq suliap ilinnut tunngasup inaarutaasumik aalajangiiffiqeqarneranit kingusinnerpaamik ukioq ataaseq. Akissummik tunineqarsimanginnerit aamma/imaluunniit sivisuallaamik akissummik tunineqarsimanginnerit naammagittaalliuutigisinnaavat, ombudsmandimulli naammagittaalliortinnak pisortanit akissutisinissat tuavisaarutigereersimassavat.



Qanoq pisoqarnerani Inatsisartut Ombudsmandiannut naammagittaal- liuuteqarsinnaanermut assersuut



Inuk nappaatimi suussusianik paasisaqareerluni, suliinnarnissani anguniarlugu ulluinnarni ikiortigisinnaasaminik kommunimut inummik ikorfartortissaminik qinnuteqarpoq.

Inuk aallarniutaasumik kommunimi ataatsimeeqateqareerpoq, sivisoorujussuarmilli aalajangiisoqarnissaanik utaqqivoq. Inuk kommunimi fagchefimut naammagittaalliuuteqareerpoq kingornalu borgmesterimut, sulili akissutissarsinani. Taamaattumik Inuk ombudsmandimut naammagittaalliuuteqarpoq.



Ombudsmandip Inuup naammagittaalliuutaa tiguaa suliarlu pillugu misissuiniarluni aalajangerluni. Ombudsmandip kommuni atassuteqarfigaa kommunimillu suliarnut Inummut tunngasunik paasissutissanik pissarsilluni. Ombudsmandittaaq Inuk atassuteqarfigaa kommunip paasissutissaataanut oqaaseqartikkumallugu.

Ombudsmandip misissuinini naammassigamiuk kommunimi suliassat suliarineqartarnerisa sivissusua isornartorsiorpaa.



Ombudsmandip oqaaseqaataa tigoreerlugu maanna kommuni suliarnut Inummut tunngasumut aalajangiivoq. Inuk inummik ikorfartortissaminik tunineqarpoq, taamaallunilu Inuk ulluinnarni ingerlalluarnerulerpoq suliffinilu paarisinnaanerulerlugu.